

明鄭天興萬年兩轄域分界考

范勝雄

鄭成功於永曆十五年（一六六一）四月初一日進軍臺灣，初四日下赤崁城。五月初二日，於赤崁地方建立海外政權。據楊英《從征實錄》云：「五月初二日……改赤崁地方為東都明京，設一府二縣，以府為承天府，天興縣、萬年縣……。改臺灣為安平鎮。」

按所謂地方乃指一區域或領域，如《管子·形勢解》：「桀紂貴為天子，富有四海，地方甚大。」地方即領土。又地方亦可解為對國家或中央的自稱，是時永曆帝駐蹕雲南，延平奉為正朔，故自稱既有領域為赤崁地方。總而言之，赤崁地方泛指臺灣區域而言，於赤崁地方改稱為東都明京，設承天府為行政中心，轄天興、萬年兩縣。原臺灣一地形勢特殊，改為安平鎮。

永曆十六年（一六六二）五月初八日，鄭成功薨逝安平。臺灣部分將領擁成功隨臺之弟鄭襲護理招討大將軍印，嗣子鄭經乃渡臺靖難，旋事平西歸。永曆十七年（一六六三）九月，清廷會荷蘭攻金廈。十月，金廈破，鄭經走銅山。翌年，棄銅山，過澎湖，歸東都。

夏琳《海紀輯要》云：「世子至東都，以咨議參軍陳永華理國政。改東都為東寧，置天興、萬年二州。」時在永曆

十八年（一六六四）三月至六月間。其他鄭亦鄒之《鄭成功傳》、江日昇之《臺灣外記》皆有相似之記載，惟月份不一。另阮旻錫之《海上見聞錄》及彭孫貽之《靖海志》則有「改天興、萬年二縣為州，置鳳山、諸羅二縣。」之說，查《臺南市志稿》黃典權撰之《人物志·人物表》〈明招討大將軍幕轄渡臺文職人物表〉內未見有擔任鳳山、諸羅二縣職官者，故明鄭時於天興、萬年二州之下置鳳山、諸羅二縣之記載，暫為存疑。

是以經明鄭之世，其治臺曰東寧，設承天府轄天興、萬年二州，其轄域仍沿天興、萬年二縣，未曾改變。

二

沈光文《平臺灣序》云：「里有文賢、仁和、永寧、新昌、仁德、依仁、崇德、長治、維新、嘉祥、仁壽、武定、廣儲、保大、新豐、歸仁、長興、永康、永豐、新化、永定、善化、感化、開化諸里；坊有東安、西定、寧南、鎮北四坊。承天為舊設之府，東寧乃新建之名。」此四坊、二十四里即在明鄭東寧承天府天興、萬年二州涵蓋範圍之內。

高拱乾《臺灣府志·封域志》建署云：「設四坊以居商賈，設里社以宅番漢；治漢人有州官，治番民有安撫。……至康熙二十二年歸我國朝，建置始詳，設府一、縣三：府曰

臺灣，統三縣。邑曰臺灣，是為附郭（轄十五里、四坊）；曰鳳山（轄七里、二莊、十二社、一鎮、一保）；曰諸羅（轄四里、三十四社），地分南北焉。」

從《臺灣府志·規制志》坊里目可以得知，清廷領臺初置的臺灣縣東安坊、西定坊、寧南坊、鎮北坊、武定里、永康里、廣儲（東、西）里、長興里、新豐里、歸仁（南、北）里、永豐里、保大（東、西）里、仁德里、仁和里、文賢里、崇德里及諸羅縣新化里、善化里、安定里（即永定里）、開化里共四坊、十九里（如合大穆降莊即感化里，則為二十里）即為明鄭時期的天興州（即四坊、十七里）。而鳳山縣新昌里、永寧里、依仁里、長治里、維新里、仁壽里、嘉祥里等七里則是明鄭時期的萬年州。故是時的天興州分為諸羅縣、臺灣縣；萬年州則改為鳳山縣。

郁永河《裨海紀遊》云：「臺灣既入版圖，改偽承天府為臺灣府，偽天興州為諸羅縣，分偽萬年州為臺灣、鳳山二縣。」應屬錯誤。臺南市故文獻委員黃典權於〈臺南市區古屬天興州考論稿〉一文指出：「清代籍臺，當係改萬年為鳳山縣，而今天興為臺灣、諸羅二縣。」是正確的。

三

清廷領臺初置郡縣後，到康熙後期發現臺灣縣轄域頗有瑕疵。第一，臺郡無城亟需建城，但南界在鳳山縣新昌里土墾保上；第二，安平鎮與臺郡城齒唇相依，卻劃歸鳳山縣永寧里。直到康熙六十年（一七二一）朱一貴事件後，更加體會安平鎮的重要性，乃於雍正元年（一七二三）始圍木柵建城，故調整轄域之事轉趨成熟，而於雍正十二年（一七三

四）改歸。

據劉良璧《重修福建臺灣府志·城池》坊里（附）目可以發現端倪。即臺灣縣原天興州的四坊、十七里又多了萬年州的永寧里、新昌里、依仁里共四坊、二十里（另效忠里改名自安平鎮；新化里割諸羅縣新化里之半）；而諸羅縣依舊為四里，合計為四坊、二十四里，即明鄭時期天興、萬年二州轄域之總數。至此，天興州之四坊及永康、武定、仁和、文賢、仁德、歸仁、永豐、崇德、新豐、保大、長興、廣儲、感化（即大穆降莊）與萬年州之依仁、永寧、新昌等共十六里、安平鎮（即效忠里）劃歸臺灣縣。而諸羅縣保有原天興州之新化、永定（即安定里）、開化、善化四里；鳳山縣保有原萬年州之長治、維新、嘉祥、仁壽四里，合為原四坊、二十四里之數。

以上的轉折，其實在康熙後期已見徵兆。據陳文達《臺灣縣志·輿地志》封域云：「始入版圖，設郡縣，臺灣為附郭，以其地居三邑之中，故又名中路。邑以內，分為四坊：……；邑以外，分為十五里、一莊。南界鳳山，北連諸羅，視三邑之地為最窄，漢人居之，番不屬焉。」同沿革云：「成功居於臺灣土城，改名安平鎮。……設一府、二縣，府曰承天，縣曰天興、萬年。天興轄北路（今屬諸羅轄），萬年轄南路（今屬鳳山轄），中路之地隸在二縣之內。……成功死，子經立，改二縣為二州。」一莊即感化里改大穆降莊；而中路（即臺灣縣）之地乃分自北路（即天興州改諸羅縣）和南路（即萬年州改鳳山縣）者，故臺灣縣之轄域當然又與清廷領臺初期不同，可改稱為「天興為諸羅縣，萬年為鳳山縣，而分天興、萬年之地為臺灣縣。」

— 明鄭天興萬年兩轄域分界考 —

茲將臺灣縣轄域明清之交演變製成下表可更明瞭：

臺灣縣轄域早期演變一覽表

							萬年州（縣）（南路）								明 鄭 時 期
仁 和 里	武 定 里	永 康 里	鎮 北 坊	寧 南 坊	西 定 坊	東 安 坊	安 平 鎮		新 昌 里	永 寧 里	依 仁 里	長 治 里	維 新 里	嘉 祥 里	仁 壽 里
臺 灣 縣（中 路）							鳳山縣（南路）								康 熙 時 期
仁 和 里	武 定 里	永 康 里	鎮 北 坊	寧 南 坊	西 定 坊	東 安 坊	安 平 鎮	土 壠 保	新 昌 里	永 寧 里	依 仁 里	長 治 里	維 新 里	嘉 祥 里	仁 壽 里
臺 灣 縣（中 路）												鳳山縣（南路）			雍 正 時 期
仁 和 里	武 定 里	永 康 里	鎮 北 坊	寧 南 坊	西 定 坊	東 安 坊	效 忠 里	土 壠 保	新 昌 里	永 寧 里	依 仁 里	長 治 里	維 新 里	嘉 祥 里	仁 壽 里

四

清初有一張題為「康熙初年墨繪臺灣軍備圖」，後經《北臺古輿圖集》收錄改稱為「永曆十八年臺灣軍備圖」，其

天興州（縣）（北路）														
善化里	開化里	永定里	新化里		感化里	廣儲里	長興里	保大里	新豐里	崇德里	永豐里	歸仁里	仁德里	文賢里
諸羅縣（北路）				臺灣縣（中路）										
善化里	開化里	安定里	新化里		大穆降莊	廣儲西東里	長興里	保大西東里	新豐里	崇德里	永豐里	歸仁北南里	仁德里	文賢里
諸羅縣（北路）				臺灣縣（中路）										
善化里	開化里	安定里	新化里	新化里	大穆降莊	廣儲西東里	長興里	保大西東里	新豐里	崇德里	永豐里	歸仁北南里	仁德里	文賢里

內註明有「北路偽天興縣」及「二層行萬年縣」的位置，但無法判讀天興、萬年轄域分界。

高拱乾《臺灣府志》「臺鳳諸三縣澎湖圖」並未註明臺鳳諸三縣界，倒是〈封域志·山川〉水道云：「郡治在木岡山之陽，夾以兩溪，北爲新港，與諸羅界；南納鳳山之岡山溪，西入於臺灣內港，與鳳山界。而臺灣縣治在中焉。」又云：「新港，通木岡山溪。溪從諸羅之馬鞍山南，出大目降營盤之北，又西過廣儲西里，又西過大目降草地，至武定里，從洲仔尾匯新港，西入於海。此臺、諸縣界水也。」可知大目降、廣儲西里、武定里皆在溪之左岸臺灣縣境，故木岡山溪（上游）、新港（下游）即爲臺諸二縣界河。又云：「岡山溪，出自岡山北，西流過嘉祥里、依仁里，爲二層行溪；又西過長治里爲竹扈塢。西至永寧里，流入於海。此臺、鳳界水也。」查嘉祥里、長治里在溪之左岸，依仁里、永寧里在溪之右岸，當時四里皆在鳳山縣境內，故岡山溪（上游）、二層行溪（下游）爲臺鳳二縣界河是錯的，檢視陳文達《鳳山縣志》「山川圖」即可明瞭，所以臺鳳（或天興萬年）二縣分界應在更北。

如前所言，陳文達認定「中路（即臺灣縣）之地隸在二縣（即諸羅、鳳山）之內」，所以在〈輿地志〉川目早已判定「岡山溪（發源於大岡山後，臺灣、鳳山交界之溪也）」、「二層行溪（溪北爲臺灣、溪南爲鳳山）」爲界河，但在《鳳山縣志》「山川圖」及〈規制志〉坊里目內，仍列有依仁里、新昌里、永寧里、土墾埕保、喜樹仔保、安平鎮等地，又是何解？唯一的解釋是當時臺鳳新界已有議論，只是陳文達在《臺灣縣志》提早反應罷了。

直到劉良璧《重修福建臺灣府志》的「臺灣縣圖」，算是對臺鳳新界有了明確的交待，但是舊界在那裡呢？

王必昌《重修臺灣縣志·山水志》溪港潭陂云：「新港溪，……溪北諸羅縣界。……二層行溪，……溪南鳳山縣界。」臺鳳諸三縣分界即以二層行溪、新港溪爲憑。又云：「福安坑，源出小南門內，經寧南坊府文廟前，西流至塗墾埕入臺江。」塗墾埕即原屬鳳邑的塗墾埕保，雍正十二年（一七三四）改歸臺邑。塗墾埕另見於「城池圖」，在福安坑左岸，爲原鳳山縣境。

高拱乾《臺灣府志·規制志》橋梁云：「磚仔橋，在西定坊，與鳳山交界。紅毛所建，今圯。」王必昌《重修臺灣縣志·建置志》橋渡云：「磚仔橋，在西定坊。紅毛時用原磚和蟹灰砌成，其堅如石。……舊蹟猶存。……福安橋，在寧南坊馬兵營。」按磚仔橋、福安橋皆爲跨越福安坑之橋，橋南即鳳山縣境，故福安坑即爲清廷領臺初置臺灣、鳳山二縣之分界，亦即明鄭時期天興、萬年二州之分界，明矣！

五

王必昌《重修臺灣縣志·祠宇志》祠（附寺宇）云：「法華寺，在永康里，舊爲夢蝶園。明舉人李茂春所築茅亭，康熙二十三年改今寺。……四十七年，鳳山縣知縣宋永清增建前堂爲火神廟。……堂後設鐘鼓二樓，結茅亭於鼓樓後，匾曰：息機；四圍遍蒔花果。」按法華寺在永康里，地屬原明鄭天興州，陳永華有記「州治之東」，近小南門右，與東安坊幾一垣之隔；而天興萬年二州界水福安坑亦「源出小南門內」，法華寺即位在福安坑發源地之南坡，與小西門外之

土墾僅咫尺之遙，同在天興萬年二州交界處。

「康熙初年墨繪臺灣軍備圖」內記有「二層行萬年縣」，今二層行溪南岸有太爺地名，當為萬年縣署所在地。清廷領臺之初，另卜鳳山縣治在興隆莊，然因財政及工料問題，迄未建城及建縣署，而設公館於府治，如鳳山縣公館在東安坊、典史公館在土墾保、儒學公館在西定坊（後遷東安坊）、參將公館在鎮北坊，以上見之高拱乾《臺灣府志·規制志》衙署（附公館）目及陳文達《鳳山縣志·規制志》公館目。

《鳳山縣志·規制志》衙署云：「鳳山縣署，在興隆莊。四十三年奉文歸治，知縣宋永清建。」是以康熙四十三年（一七〇四）以前，縣署未建，鳳山知縣長駐府治東安坊公館。宋永清於是年到任，雖著手在興隆莊建縣署，但仍風塵僕僕來往於府治之間，勢不得不爾也。所以府治東安坊鳳山縣公館仍為其常駐之地，因之對有鳳山轄地緣的法華寺具有特殊的感情，而於康熙四十七年（一七〇八）「增建前堂為火神廟」。

周元文《重修臺灣府志·藝文志》記目載有宋永清的〈火神廟記〉。宋永清又在夢蝶園內築「息機亭」，並自記云：「地可盈畝，而亭不數椽。護以煙蘿，環以竹木，青葱陰

翳森森萬木中，幾不知有塵忙躑躅也者。或而凭欄俯仰，直瞰巨流，大小岡山如奔目睫；澄懷滌慮，冷然如憑虛御風焉。對此栩栩初回，機心頓息，公餘一枕，其殆訪我於羲皇之上乎！」看來宋永清於公暇之餘，常到夢蝶園來休息，這也是鳳屬土墾等地未歸建臺灣縣前的一段軼事。

作者簡介

姓名：范勝雄

出生地：臺灣臺南市人

年齡：民國三十年五月七日

學歷：成功大學畢業、高考及格

現職：現任土木技師、文獻委員

著作：纂修《臺南市志政事志建設篇》

撰著《臺南市一、二、三古蹟概述》、《府城的節

令民俗》、《坎城春火燈選》、《步晚居謎集》、

《府城的寺廟信仰》、《府城叢談》①②③④⑤⑥

等。

